



UPA 2017/17
Nuuk, 25.04.2017
Iddimanggiu Bianco

Siunnersuut: Inatsisartut Ombudsmandiat pillugu Inatsisartut inatsisaat nr. xx,xx.xx.2017-imeersoq.
(Inatsisartut Siulittaasoqarfiat)

Inatsisartut Ombudsmandiat nunatsinni pingaaruteqarluinnartut ilagilluinnarpaat. Tamanna Inuit Ataqatigiinniit naqissuserlugu aallartinniutigisinnaavara.

Unalu suliaq sukumiisumik suliassatut isigisassaalluinnarpoq, Kalaallit Nunaanni Ombudsmandip sulinermini tunngavigilluinnartussammagu.

Siunnersuullu kingunerisassarisaa tassaavoq Ombudsmandip suliaasa annertusisinnaaneri. Akisussaaffiit paaqqinnittarfinnut tunngasut, meeqqanut tunngalluinnartuupput.

Taamaattumik tusarniaanermi ilaatigut KANUKOKA-mit eqqumaffigineqartut pingaaruteqarluinnartut ilagaat meeqqat pisinnaatitaaffiitut tunngasoq MIO-llu akisussaaffigisai. Tamakkuupput akisussaaffinnik inissititiinissamik erseqqissarfigisassat.

Tamakku Inatsiseqarnermut ataatsimiitsitaliami sukumiisumik erseqqissaanermik kinguneqartitsisumik suliassatut ingerlatitseqqinnissamut peqqutissaqarluarpugut.

Taamaattumik siunnersuut Inatsiseqarnermut ataatsimiititaliamut ingerlateqqinnissaat innersuutigissavarput.